

南翔鎮志卷六

里人

張承先著  
程攸熙訂

人物

古今來地以人傳槎里褊小而尚論其人如張司馬李給諫李庶常兄弟其勳業讜論文章炳天壤而光史冊豈一鄉一里之人哉若夫處草莽而行有足取藝有可觀名流僑寓茲鄉女子守義自誓者不勝書而不可不書也至於佛老之徒其志行高潔足以傳世者附諸簡末志人物

賢達

宋

南翔鎮志

卷六

一

鳳翥樓重印

朱存仁。字德甫仕至桂林宣撫使操履端嚴以忠義自矢時國勢日危憂憤成疾卒遺表有云食君之祿不及安君之國死有餘愧願爲厲鬼殺敵報君恩於地下又戒子孫不得輕仕以重我罪人比之宗留守云

明

陸愉字以和少以經濟自期從葉文莊盛游究心今古之學天順間歲貢知寧晉縣興學校築城濠招流移濬河以資灌溉百廢具舉歲饑請於上豁積逋四萬三千餘兩秩滿赴京忤中官汪直遂告歸終養後起補浙藩經歷祀寧晉名宦祠

(葉盛題木石圖送陸愉尹寧晉)蒼蒼古木石更更畫

史於君似有情此去好令民吏悅木同高潔石同貞

楊錦字尚綱成化丁未進士官刑部曹郎宅心平恕屢雪疑案擢江西按察副使適贛州寇起株連平民鞫釋甚衆晉廣東按察使錦有文譽禮闈出王文恪鑿門爲文恪器重性至孝身旣貴封公素卞急猶引罪受杖侍奉彌謹

王春字景元性恬退與物無競由成化庚子舉人授浙江建德知縣以才能改江西德安爲政公廉嚴于治盜邑中夜不閉戶去官日民扳轅塞道常御一袍終任不易及歸杜門卻掃日以文史自娛而已

徐恂字信夫成化癸卯舉人知岷縣鋤奸剔弊修岷志編清風祠錄課最改南靖值海寇薄境恂環柵爲壘募驍勇者教之

南翔鎮志

卷六

二

鳳翥樓重印

兵擐甲擊賊俘斬數百人餘衆遁去捷聞賜綵幣以勞瘁卒於官縣故有過山錢爲民患恂至裁罷未及著爲令及卒民泣曰過山錢又自此始矣子煥字堯文博學篤行有父風張任字希尹嘉靖丁未進士除都水主事督造漕艘于淮浦句稽斂散宿猾袖手積贏羨輸縣官多至八萬有奇入爲員外拂柄臣意外補判大名量移嘉興同知倭寇侵境軍費不貲偕郡守同心撫禦民得安堵遷袁州府袁爲柄臣鄉首除其積橫舍人子餘一切繩之以法以母憂歸服除補嚴州督餫政者所至責供億甚汰獨戒勿溷張守海令時剛峰瑞令淳安也晉山東按察使參貴藩轉陝臬聞父病棄官歸萬曆改

元起補浙江右布政旋移山西左使以執政薦持副都御史節撫粵西屬境苦旱特題蠲賑時八寨蠻連龍哈佈咳併爲十寨憑險出沒數爲民害公爲久安計疏請大征與總督劉堯誨分道進兵公由西道直搗其穴不三月而邊平之捷聞璽書褒勞復條上善後七事一設三鎮以重彈壓二屯三里以樹聲援三分汛地以重責成四遷衛所以振武威五議屯田以示優恤六開道路以通險阻七議糧餉以裕經費悉見施行及卒朝廷憫其盡瘁贈兵部左侍郎賜祭葬蔭子其廉入胄監

張楸字子培嘉靖庚戌進士知福清縣廉明仁恕丁外艱補孝

南翔鎮志

卷六

三

鳳翥樓重印

豐其民採礦率阻險爲賊以德撫之黨悉解散又均田賦以寬貧民進南京兵部職方司主事南京歲造馬快船畿輔及江西湖廣逋料價八十餘萬以廉選賚敕往案歷三十餘郡一意求民所便無敢以餽遺溷者遷車駕司員外母病欲移告未及卒事嫡母孝謹資產悉推於弟歿無以殮篋中止二十金而已

王圻字元翰嘉靖乙丑進士除知清江縣調萬安入爲御史劾中官罪狀論邊臣欺罔前後與江陵新鄭相齟齬謫判印州尋遷曹縣守開州陞湖廣提學僉事晉陝西布政使司參議歷任廉潔有惠政拔取多知名士屏絕干請所在祠祀年未

艾告養歸日仰屋梁著書踰耄猶篝燈丙夜不輟行世者多至三十餘種屋臨吳淞江田最汙下濬河以備蓄洩懇上臺改折漕糧且請散官甲以代本圖徭役同圖之民安耕鑿者五十餘年年八十五卒祀鄉賢

熙案元本人文學傳今移於此

李汝節。字道亨嘉靖己丑進士授安吉知州州地多積窪民病墊溺築石隄三十里又田多不實屬耆老操冊履畝微行覆驗清覈計千頃入爲刑部員外左遷饒州府判同知登州府登海濫禁網疏闊間左往往探丸爲奸次第以計擒之民始知畏法事聞有白鏹之賜病歸旋卒

張恆。字伯常萬曆庚辰進士知茶陵興國二州入爲刑部副郎

## 南翔鎮志

### 卷六

四

鳳翥樓重印

恤刑浙江多雪冤獄同郡大冢宰屬免重囚卒按如律晉正郎出知建昌府務清靜簡易每片言折獄號張半升因獄至不留候鞫者不煩宿舂也嘗白一無罪之士士暮夜謁閹者獻金立麾之而褫閹者盱江故有橋稅中璫議加額恆白中丞夏良心以故事太守例入羨金五百兩歸之公帑稅得不加秩滿遷臬副分巡南昌閣臣家與民爭湖利兩臺檄議恆毅然曰相國何籍此決歸民敷歷中外三十年中丞舉江右循吏第一晉藩參乞歸奉母恆性恬退不以名位爲念歸田剗心理學沈默著書以終祀江西名宦本邑鄉賢

李先芳。字茂實萬曆己丑進士初官中書公退輒杜門校古今

奏議擢刑科給事中章數十上悉中時弊溧陽富豪結闈寺爲奧援營復錦衣職密持重賄疏劾之其人懼逸去滇撫征緬冒功殺人無算卽指實糾參無所顧忌戶部主事某索常州解戶金不得誣奏繫獄具疏白其冤遷四川參議歲旱民飢施救荒策活民數十萬不半載卒於官蜀人巷哭者累日祀鄉賢

張其廉字伯隅萬曆乙未進士累官兵部車駕司主事職南北館驛傳立規條減省歲所例供郵費攝環衛及兩營馬政並著能稱庚子貳典湖廣試從落卷中甄拔四十餘人解元趙嗣芳其一也時稅璫橫甚求列名序錄持不可轉禮部儀制

南翔鎮志

卷六

五

鳳翥樓重印

司荆藩妃冒乞名封與尙書力爭不得遂移疾乞改當事者擬以南京吏部文選郎推之不及任而卒平生謹厚不爲崖異而是非所在必衷於是少負文望詩藝推三百年內大家嗣孫景韶

張景韶字公紹承蔭入監授南京太僕寺典簿累遷刑部主事署郎中事半載一清蠹案遷雲南司正郎大司寇秦麓胡公器重之十三司大獄多屬會讞凡涉矜疑必爲平反吏民交口稱明允歸田後邑將復漕上書大司農仍得永折國朝撫按交起辭以痼疾顏其堂曰止老卒之日貧無以殮

國朝

陸士珍。字瑞卿。順治初任鹽城守備。漕帥廉其能以武臣任民社。題署鹽城縣篆。有惠政。歷鹽城游擊。狼山鎮江參將。溫州副將。勦海寇。屢立戰功。疾作。告歸。東甌與張石二總戎同立生祠。熙增

葉昱。字炳南。少爲高才生。拔萃入國學。乾隆元年成進士。舉鴻詞科。未赴授戶部四川司主事。轉雲南司。癸亥甲子。閒淮揚。徐穎諸郡疊被水災。議蠲賦。督撫核覆在案。同官執漕糧例。不並蠲。駁摘再四。昱懇堂官疏請邀 俞旨。五十餘萬積逋。並免遷貴州司員外郎。陝西司郎中。擢長蘆鹽運使。告歸家。居養靜垂三十年。年八十四卒。熙增詩古文卓然成家。書法

南翔鎮志

卷六

六

鳳翥樓重印

適勁畫墨菊有別致。人爭寶之。

案元本祇傳政績字畫雖緒餘今已傳世似不可缺

李夢璫。字登五。乾隆壬戌進士。初除江西萬安令。歷建昌樂安。信豐臨川。上高鄱陽弋陽贛等縣。署饒州贛州二府同知。寧都直隸知州。贛州知府。所至以廉能稱。每引斷不泥律。嘗曰。律設大法。禮順人情。人以律入情。我以情入律。知贛縣。籲豁屯田浮糧萬餘兩。著屯田議條。析利病。以告後人。性亢直。幾二十年官。不遷。後以罪。誤入都起補湖北安陸。未赴卒。於都門諸同人。醵金以斂。

程侯本。字漢封。由青浦庠貢入成均。效力南河。銓授正定同知。聖祖仁皇帝南巡駐蹕恆山。召見。賜克食。丁內外艱。

服闋補寧波同知乾隆二年晉寧國知府民俗多棄女不育  
出示禁止動之以情諭之以理後遂無有蹈前轍者戊午歲  
荒多方設法以拯飢民均沾實惠莅宛三年引懸車義以歸  
惠政至今猶挂宛郡人口熙增

王處厚字大惇乾隆己丑進士授安徽潁上令縣治之八里塚  
鎮民回雜處俗極强悍械鬪時人動以千計善良難安枕庚  
子秋爲某獄嚴鞫得實回民穆順等五人概擬重辟俗始寧  
謐鎮民立碑頌德邑有書院坍塌幾廢捐俸修葺勸紳士伙  
助捐置膏火田二百餘畝延名宿按期課士文風大振在任  
二年以勞瘁抱羸疾告歸卒囊橐蕭然貧過於昔生平博覽

強記詩古文皆爲名公卿賞識

孝義

明

陸懋字允迪幼聰慧書過目通大義由郡庠入太學授禮部司務丁外艱後患咯血證不復仕進平生自禮義廉恥大界限至居處步履之節畫線而蹈尺寸不踰歲荒代賠佃戶逋糧致家中落二子承宗紹宗復以孤童丕振前緒兄弟友愛白首同居家人皆化雍和

朱檄字子信父受誣被逮挺身赴臺籲冤獲免妻不悅於親出之於族之孤寡周恤備至鄰家失火路遺一器拾歸旦往還之其不苟如此

南翔鎮志

卷六

八

鳳翥樓重印

張仕字宗學少司馬任從弟以軍功授涇陽丞父好樗蒲負則不悅仕令與父博者詭不勝而潛償其錢又好飲每佳辰赴所親飲仕必丙夜扶掖抵家命其妻再治酒饌以進及寢俟熟睡乃退父病焚香籲天願減算以益父壽尋愈王道通爲立傳

陸繩宗字步先由婁庠例入太學授寧府典簿改撫州照磨母孫氏病目日夕焚香禮空晨起盥漱舐之歲餘母目復明母歿廬墓終其身

沈應宿字承槎萬曆間連解北運事畢邑令柴紹勳諭令舉人自代久之竟無所舉令詰之答曰某之力尙堪一充他人當



此必破家矣某不忍也令爲嘉歎給義洽一方額獎之後啟  
禎間同里金汝礪亦以北運毀家終其身無愠色

顧嘉猷字星海幼有至性侍父母側不命之坐不敢坐不命之  
退不敢退朝夕視膳雖甚飢必待親舉箸而後自食平生一  
無嗜好惟依依孺慕而已曾孫楷痛父死非命終其身無喜  
色事母以孝聞

李繩之字受伯參議先芳長子參議卒於官千里扶柩歸葬廬  
墓三年每日繞塚號呼者三參議祠鄉賢感從祀之濫泣而  
抱主歸讀書勵名節布衣蔬食終其身東林諸君子推爲真  
孝子真道學云

南翔鎮志

卷六

九

鳳翥樓重印

顧茂卿字 家貧能順父志父好釀飲日與酒貲乏則以物  
質肆中俾父常得歡飲夜則伺門外風雨之夕父或沾醉負  
之以歸

楊繼祖字復初臬使錦八世孫衷麻控父仇於直指使者直指  
命講忠孝二字語見血性直指立雪其冤子璫璘並庠生兄  
弟式好白首無間

國朝

陸士元字長卿好施與識量宏遠崇禎辛巳壬午大饑煮糜以  
活飢者申酉之際萬戶岌岌不自保士元慨然傾家財以紓  
難南翔合鎮雞犬不驚賴其力也

吳自懋字爾修年十四父沒寶邸時流寇猖披自懋從兵戈中負周歲幼弟奉母間道歸里黃渡陸某病篤以愛妾千金相贈正色曰某不爲非理事當擇人而嫁之陸歿卒踐其言客青口遇盜旣自免仍以腰間所繫三百金代人乞命生平好義多類此弟自慤字衷愷至性過人母兄歿事之如生

羌世隆字仰峰樓居供二親像每食必先置像前一果品栢酒不供不食也崇禎己卯歲稔命子懋功懋德以麥八百石磨麪作餅於白鶴寺鳴鐘集衆每人給餅二又錢十文如是者數月懋德字尙之攻詩文樂善不倦承父志於蘇郡各境施綿衣及銀曾孫同諸生工繪事花卉小景有致

南翔鎮志

卷六

十

鳳翥樓重印

董德其字瞻岷蚤喪母父娶後妻德其舌耕以養家雖貧親所欲得必委曲致之嘗爲論述古今親爲霽顏戊辰春闈某公欲羅致門下造謝曰某非不感厚意恐無顏以見先人蓋是時親已違養也某公歎息而止

趙大榮字君錫性伉爽以古人自期客遊清源有親陳某置妾值流寇難託大榮而歸妾旋生子寇退大榮挾妾母子并妾之孀姊共歸每夜抵逆旅閉婦稚一室中自臥簷下閱兩月始達里門妾姊感其德願爲小婦以報峻拒之在都中同邑陳會甫解糧至屬疾卒以囊金代完送其喪還大榮與會甫初識面耳其好義如此

(張鴻磐贈詩)夙許才名補俠林俄聞佳話使人欽三年結客傾燕市千里傳聲  
重季心蚤識藏珠應照乘終教合璧易輕金相逢一笑嫌相問蹈海何人意更深

金紱字聖來生平無疾言厲色父好飲每赴宴必丙夜紱恆攜  
燈伺門外俟出則扶掖以歸父寢疾竭力醫藥病革割股煎  
湯以進子應麟以孤童起家負時望

夏之瑚字宗彝事父至孝父病籲天請代病革剖胸割肝以療  
邑里競爲詩歌以贈之

夏孝子割肝事在康熙乙丑間時聞志已竣乾隆元年程  
邑侯修志採訪及之爲同局某沮失載未幾某患肝疽死

(張凝元夏孝子詩)夏孝子生長於礪之槎里至誠一念格神明血性何曾讀書史奉親雖苦家窶貧朝夕歡顏承甘旨  
一朝親病心憂危力竭參苓與祀已判此身代父身猶虞刳股難起死夏孝子四更默禱小樓中晨鐘初動曉月底素  
然剖胸如剖空赤肝一片隨霜匕投湯跪進父少瘳胸無痛楚亦無痛夏孝子誰非父母所生兒兒身原屬毛與裏奈  
何自謂讀書人內行幾曾分頰齒似子方爲克事親我曹無乃犬與豕援豪再拜爲大書夏孝子鬼神四面驚嗟爾

倪國柱邑之糧排順治十四年江寧運軍謀加行月糧稱加漕

## 南翔鎮志

### 卷六

十一

鳳翥樓重印

派折五州縣嘉定獨五萬三千有奇合邑騷動莫敢言者國  
柱偕陸德秀挺身爭之具揭匍匐赴京陳訴得少裁衛弁深  
惡之賄左藩提訊兩人言不移杖而荷校遂殺之初倪陸入  
都寓倪國鑑家國鑑邑人義重桑梓協力以求濟卒至傾家  
邑人稱三義云

童世豐字譽吉庠生父病躬湯藥不解帶者三月父欲食粥口  
嚼以哺父誤咬其舌尖血出忍痛不言及卒負土營葬哭泣  
過甚致左目失明與弟貢生孝本友愛白首無間孝本字征  
吉雅好詩見賞於前哲嘗偕其兄葬族之不能葬者十餘喪  
風義尤不可及同時陸元恕字仁懷每食必以甘旨供母年

踰艾出入恆稟命先母二年卒彌留之際抱母不舍呻吟再三而絕

江愷字元叔父東陽與兄東陵並有詩名愷至性過人父有疾目不交睫以待湯藥疾革割股肉雜藥以進時父已絕粒復延數日屬纊後哀毀苦塊杖不能起尋卒

高宏祚字永建由青浦徙居槎里業縫衣竭蹶養母里人爭贈詩歌遠近聞風稱孝子邑令楊上其事得邀旌表同時陸文桓任俠好義父病兩刲股以進

陳燿字照宇乾隆丙辰開科鄉舉家故饒至燿中落業醫以供二人甘旨慮弟宏勳以家累荒學竭力獨支門戶宏勳字瑤

## 南翔鎮志

### 卷六

十一

鳳翥樓重印

山工詩文食餼於庠

增

陸應霖字在三少孤力學未弱冠卽授徒里中資館穀以奉孀母仲兄歿事嫂撫孤未嘗分畛域弱弟幼妹更教養周至攻舉子業入邑庠爲人外和內介如渾金璞玉粹然無疵族黨中有以貧乏告者分脩脯周之不少吝

李文錫字九皋四歲而孤家貧母程氏屑麥爲飯以自啖而以精者食孤文錫見母麥飯羸糲棘喉輟箸而啼不忍食其精者自幼至壯曲盡孺慕歿後值忌日必屢呼母氏繼以涕泗純孝其至性也家旣饒裕數周親友緩急有甕人子負金度

其力不能償卽折券有鄰侵其地者讓不校王光祿鳴盛爲  
傳謂持身接物愷惻慈惠洵不虛云以子鳳昌 贈朝議大  
夫

文學

宋

黃聰字孟謀家貧能好古博覽彊記治平初年以鄉貢進士謁  
選得仁和尉病足罷歸益潛之問學貴游至崑山不輕通一  
刺屋敝不蔽風雨讀書談道以終

(陳之奇寄題黃孟謀築居槎水)君子非無懷不在所居宅廣廈與華堂寢處只六尺顏巷一何陋陶室一何窄隨遇可  
逍遙何必費經營孟謀有高致抗懷自古昔棄官擁書城臨流講周易百家兼衆氏開卷自尋釋投刺有貴遊欲見卒不  
獲遐哉顏陶居  
千古無異跡

明

張宸字翰宸與弟粹中並以文采知名兼工書法家鄰白鶴寺  
盡取寺中藏經書之有晉人風致洪武初辟署本縣學訓導

南翔鎮志

卷六

十四

鳳翥樓重印

入中書以撰慶賀表忤旨被逮死弟粹中字翰音國子生尤  
工草書同時趙某字原鼎亦以詩文名

陸愨字敬心通古文辭尤肆力於詩所爲律絕論者謂如出水  
芙蓉姿容可挹古體閒出新調而不失古意卒不得志於時  
以諸生老

甘元雋字舜登正德丙子舉人署定陶教諭遷知陵縣清潔自  
守不能曲事上官罷歸宦橐蕭然手不釋卷晚以詩名卒有  
司爲之營葬

陸有文字載道年十三入松江府學科試當食餼讓於同庠山  
有年平生博極羣書尤邃於易刪定本義以便誦習子一範

甫成童邑令使講易如懸河瀉水大加獎賞年十七補諸生  
張紀字少南少奇穎書過目輒成誦學使者王拔冠九學試以  
詩古文辭俱善爲人坦易無少長相對藹如獨不喜與富貴  
人遊見輒避匿所著弗存稿同里張德一爲傳

張倬字青遠子敬子善詩文工書與徐宮保學謨殷職方都唱  
和事從兄少司馬任如父司馬卒爲文哭之情詞真摯人爭  
誦之

李元芳字茂初邑諸生刻意爲詩尤工七言長句與弟名芳流  
芳並名噪詞壇諸弟皆嗇於年元芳獨壽考卒年七十餘

李名芳字茂材天資絕人十餘歲馳騁文詞吳興董宗伯延致

南翔鎮志

卷六

十五

鳳翥樓重印

家塾塾中皆浙東西名士名芳年甫十三與爲頡頏宜興令  
聞其異才召面試之頃刻數千言宏麗無比更命賦七言詩  
歎爲王子安李長吉再生年二十八登萬曆壬辰進士翰林  
院庶吉士明年卒子宜之

李流芳字茂宰一字長蘅少有高世之志不可羈縲舉萬曆丙  
午鄉試再上春官不第天啓壬戌璫燄方熾公車抵近郊賦  
詩而返遂絕意進取爲人和樂易直外通內介與人交磨切  
過失周旋患難傾身無所避家貧資脩脯以養母羸則以分  
窮交寒士性好佳山水中歲於西湖尤數至其書法規樞東  
坡畫出入元人尤近吳仲圭詩則信筆抒寫天真爛然在斜

川香山間丑寅之交明祚不振流芳感慨時事至泣下遂病  
病革聞故人被放詫歎而卒子杭之

汪明際字無際少孤力學事母以孝聞撫弟妹極友愛移居東  
城博涉經史尤精易學萬曆戊午舉於鄉謁選得壽昌教諭  
讀書魏萬山房倡導古學僻邑風移由國子監學錄歷大理  
寺都察院司務陞工部營繕司主事晉員外告歸科臣鄒士  
楷心儀其操以書招之不應後以同官誤工諉卸拜杖死子  
彥隨

汪彥隨字子肩崇禎癸酉副榜痛父歿嘔血歸葬廬墓終身足  
跡不入公府邑中英俊多出其門子來許字昭茲年十五補

南翔鎮志

卷六

十六

鳳翥樓重印

縣校以汲古名臨池亦有晉唐風致甫三十卒

徐抱奇字長孺學有根柢四明謝侯三賓目以國士郡守孝感  
史公刻其文以傳浮沈諸生中爲農以老

張廷棫字子薪兵部郎懋族子工詩文與李孝廉流芳程山人  
嘉燧爲友流芳稱其骨清而堅氣弱而恬神悴而全族孫崇  
儒字魯生築招隱亭名流多過從觴咏風致可想見云

曹昭遠字雅白本姓張少司馬任族孫少力學與同邑王簡平  
道通嚴午亭衍以文行相切劘又與同里吳自惺張德一號  
槎谿三雋屢試京兆不遇息影花谿以老仲兄夢符字仲素  
叔兄鴻升字亦仲並以詩名偕從弟鴻磐結文酒社論者比



之七賢六逸

沈祁。字雨公。善詩工繪事。家居偕好友攜尊看梅。王庵唱酬。累日作圖記之。喜山水。歷游匡廬西華。溯錢塘上下。東陽兩峴。閒謝侯三賓序其詩以行世。

張德一。字吉士。幼從塾師讀書。澹園作澹生說及憫旱賦爲前輩。激賞與羅陽王道通爲莫逆。交手定簡。平子遺集偕同人鏤版行世。

李杭之。字僧筏。流芳子。詩文畫筆俱以父爲師。性放曠。甫強仕卽棄諸生。放浪山水。閒內行淳。至父疾。刲股和藥以進。姪孤露者撫之於家。好彝鼎古玩。然遇人困輒贈之。無吝色。獨不

南翔鎮志

卷六

十七

鳳翥樓重印

屑與俗子伍。見惡疾之如讐。崇禎末爲亂民所害。

(張鴻鑿李僧筏月泛圖爲友人歸子便寫春日偕過家仲素兄郊居景也。兵火後流落肆間。洪伯常購得之。當日同泛諸子大半入鬼錄。惟予與仲素兄在耳。披圖慨然爲題一絕) 小李風流繼阿翁。蕭疎筆墨見心胸。一腔忠義猶難朽。腐骨何妨論自公。不堪滄海警揚塵。畫裏同游盡古人。獨我弟兄爲後死。空垂白髮對沾巾。

李宗之。字彝仲。繩之之弟。年未冠。翩翩有秀望。婁東王文肅以女孫妻之。善書法。詩筆清綺。直壓元白。蚤卒。子拱。字舜良。受書母氏負才藻。傲睨一世。結壇倡社。以聲氣自任。明末櫻觸羣小死。

國朝

徐時勉。字克勤。恂五世孫。淹貫經史。名在復社。崇禎庚辰歲貢。授陝西澄城縣。刻勵清操。見軍需日煩。歎曰。吾安能賸百姓。

以全一官乎除縣猾爲所中罷歸行囊無長物邑紳孫弼明  
贈麥六斗曰此非交際禮聊爲使君數日糗糧耳精毛氏詩  
四方學者宗之

李宜之字緇仲名芳子三歲而孤母沈教育之幼穎異目數行  
下讀書等身四方名流歸之叔父流芳畏之如敵七試京兆  
不第隕然自放益博綜古今著述充棟申酉之際鄉兵構亂  
三子被殲時宜之客金陵及歸已無家矣假居東城沒其友  
張鴻磐葬之太史塚旁

(汪來許贈李緇仲先生)巖桂從籠徑菊斑秋明誰與映朱顏蠻箋句裏豪供奉錦瑟  
絃中老義山花月三生同得主風流一代獨相關年來自會逍遙理莫擬金莖問大還

張鴻磐字子石任從孫父承寵廩貢生工文章與兄承恩齊名

### 南翔鎮志

### 卷六

十八

鳳翥樓重印

有機雲之目鴻磐少負雋才以經濟自命中年棄帖括肆力  
於詩古文詞書法蒼勁入古文相國震孟范相國景文黃相  
國道周徐司寇石麒輩爭折節下交性好山水時爲汗漫之  
游足跡半天下崇禎末嘉邑奉朝命復漕合邑惶駭鴻磐走  
京師以諸生伏闕上陳仍得永折司寇以人才薦力辭不就  
侯銀臺兄弟殉國後竭力以庇其孥遠近咸高其義康熙間  
舉鄉飲大賓稱槎谿人瑞年八十七子誼思

(范景文和張子石自題笠杖小像)丹青妙手有三丹頰益三毛勝未安瘦似詩王應戴笠蓬如蒙叟肯投竿感時自咏  
還吳句忤世人嗔適越冠只合置君若石裏最宜邱壑是孤寒 (黃道周和)詩家別有握中丹律韻如君陋建安近輩  
幾人窺閭奧聖朝何日下旌竿客窗池墨增蠹限借  
屋巢書笑塾冠敢謂南州足幽賞入秋詩語倍高寒

張誼思字正起才情豔發如天葩吐芬黃陶庵淳耀亟歎賞之

年十七補諸生餼於庠與許潛壺自俊周平園陳俶輩稱膠城十子有文行世順治年以明經入對卒於盜

朱之璵字魯玉李孝廉流芳甥經明行修工詩詞有舅氏風家居教授弟子多通經學爲諸生祭酒朱南詢瀚其尤著者從子組纓字素持亦工詩古小篆山水得前人遺法

侯景勳字道周本姓練明嘉定令達十一世孫初練公達殉國子居練易姓侯居邑城六傳而遷槎之西郊遞傳至景勳景勳生而誠樸宗法有宋諸儒編輯其語錄與同邑侯黃諸公爲友諸公抗節慟哭者累日上海陸哀山起城比之陳舒璘子晉錫字接公復姓練呈請練公入名宦祠

## 南翔鎮志

### 卷六

十九

鳳翥樓重印

柯炆字以傳湛深經術虛和退遜靜氣迎人嘗客游西湖新安閩漳金陵所至以詩雄壇坫晚棄儒冠從方外交兼通二氏宗旨而提攜後進之心老而彌篤聞人有善惟恐其不揚學者宗仰之稱集庵先生

(朱瀚寄集庵序并詩)乙卯長夏五日集庵衣絺戴笠荷繖揮簷過予謂予杜詩注頃已覓船人郵寄吳門其第一本卽繕寫淨本寄去勿怠語竟仍荷繖搖簷而去予竊怪之憶予數年來從事杜集凡數易稿當時自謂可傳於世無何而情隨事遷拋擲篋中飽蠹魚腹不復記憶矣此何與集翁事爲之汲汲然走權貴攫金錢不若是急也是真有不可曉者因賦一絕俟異日有丹青手畫一癯翁衣絺戴笠荷繖揮簷袖銜一編立谿步并亭邊招船人口喃喃狀命曰寄詩圖并題予詩其上傳之後世未必不成一段佳話也絕憐避俗峨嵋老翻作衝炎襍蘊人一片冰心千古事後生誰識此翁真

項思尹字莘友賦質淳篤專肆力於學順治戊子副榜准貢授兗州府通判一意撫恤督視泲河積年陋規悉裁之以清節失上官意量移左遷歸家杜門讀書貧過於昔傷膠俗凋敝

芻言志警當湖陸公令膠甚重之卒之日貧不能殮

項董桂字韻川諸生偃蹇不遇嘗曰硯田勺水卽樂饑泌水之風古人三徑蓬蒿傭舂杵臼行歌自得先獲我心窮愁著書至老不倦

熙案邑中友人秦子照若出所藏韻川先生閱史紀咏并省鑿閒箋序劍虹集序脉予蓋康熙雍正間人自署榘東某其爲里人無疑又云先別駕平庵公殆莘友先生思尹子也史亭失載爰卽其自序仿佛其人補焉之傳云

陸一敬字寅卿年十五縣試第一赴道試不遇遂淡於進取及萬侯任至始再應試仍冠一軍補諸生申酉後不入城市搆林皋一區讀書其中時賦詩以見志子俊彥字宸求崇禎末諸生嗜學積書至萬餘卷

李安世字古師工詩古文兼精青烏術才氣卓犖不欲以書生

## 南翔鎮志

### 卷六

二十

鳳翥樓重印

自命與孫學士致彌善學士偕入閩謁靖南王王待以殊禮晚歲跋跡槎東卒

金汝鈺字玉函爲人溫厚靜氣迎人衣冠警咳合先民典則虞山唐雪井瑀器之詩蕭閒蒼淡有出塵之致以諸生老

李聖芝字秋森一字衡霞明孝廉流芳孫七歲能文十四遭變瀕死弱冠游郡庠詩古文瑋麗雄健有倚馬萬言之目入都名動公卿嚴司農沆謂長蘅之有秋森猶審言之有子美痛父杭之死難刺舌尖血繪像并生前冠履招魂具殮

見確庵集

又刺

血書三千言上中丞慕公年七十餘父忌設祭慟哭仆地曰吾父歿於乙酉閏六中已三曆閏今後值閏我不復臨祭矣

其至性老而彌篤子提襪另有傳從弟昭字東華從子令字孝先並諸生善詩文

附林大中練雅語略近人但知南華宮詹之捷不知前此衡霞之更捷也戊午鴻博之舉諸鉅公欲置刻章卒以交讓不果宋蓼天欲爲刻集已屬山左霍觀察作序又以事阻中止吾邑八子衡霞之才第一而志不立傳阨於身前又湮於身後嗚呼文人命窮至此夫復何言

吳鼎位字上加歲貢生任天長訓導遷碭山教諭訓士敦崇實行署邑篆有惠政見碭山志陞江寧府教授編江左閩儀錄風世子箴字雪臣砥礪文行受業陸清獻飫聞緒論

張凝元字撫五明刑部郎中景韶子諸生性嗜學爲侯廣成黃陶庵兩先生器重中年抱篤疾猶聚書日事校讎覃精詩學出入唐宋諸家於劍南石湖尤神似性耿介恥希世干譽有

## 南翔鎮志

### 卷六

二十一

鳳翥樓重印

招之者謝不往陸清獻以不苟二字概其品行

林棟字梁士詩名甚重江浩如詩云揮絃內子能操白咏絮生徒亦學書標格可想見弟子嚴宗字裡六亦能詩

張佳緒字貞武明兵部郎懋之族裒諸生以詩自豪筆老而益蒼兼工繪事時畫山水小景爲人耿介有守氣度雍和趙進士俞誌其墓比之黃憲從子世昌工詩子鍾美孫景芳俱諸生能畫世其家

張懿實字德符參政恆曾孫少學於黃松崖淳耀補諸生入直言社與四方名流相贈答卒年八十侯掌亭泓序曰旨醇以深格圓而栗所言閎大而煒焯得陶庵之真傳云

李煥字雒文與弟燧結社槎谿同人唱和成帙梓以行世燧字先五前輩張忍庵陸菊隱稱其詩清和妍雅陸清獻有序載三魚堂集朱瀚杜詩解意藉其力子觀光郡庠生工時藝試輒冠軍

陸宏圖字茂宏松江府諸生庠姓王與弟名通均受上海朱瀚指授寢食於古經史百子紛披座右制義以先正大家爲宗九試棘闈不遇士論惜之子祖裕篤內行孫銓邑諸生與同里范曦討論古今著浮糧均役等議有關治體

陸廷璧字蛟文安貧攻苦年三十餘補諸生康熙癸酉舉南闈第三再上公車不第制府范公重其文行延入金陵官署課

## 南翔鎮志

### 卷六

二十一

鳳翥樓重印

公子經後公子亦總制兩江終其任不干以私鄰邑令懷金請託峻卻之家居以醫濟世壽八十八

(劉昆濬贈同年陸素軒序) 嚮之治有二陸先生曰笏峯曰素軒笏峯文遠行達非膠固迂腐之流素軒文潔行峻大異與時俯仰之士余皆欽慕之往莅茲土卽詢兩先生笏峯居近治所不鄙余爲俗吏許以訂交尋以事赴白門不得常常見素軒先生余鄉同譜也聞其不入城市已十餘年矣余以簿書繁冗未由請見秋以公事出紆途造焉始相識於白鶴寺中去官後詣其廬親其風旨誦其自歎詩八章乃知向之不赴銓選洵合大易所云高尚其事且家居近市戶若塵封與鄰里士夫幾不相識倘少陵所謂蓬門今始爲君開耶昔雲間二陸以文章爲東南之冠然文甚高才甚俊識猶不遠有味于既明且哲之義至象山伯仲之理學究與紫陽殊塗同歸素軒之文遠宗機雲而尤妍精理學讀未章冰淵不弛之句足以廉立頑懦不於鵝湖有光乎或曰道貴兼善避世者或失之隘夫學者誰不欲行然無其遇亦可以孝友施於有政况槎里爲諸鎮之會民稠俗靡爭門劫奪之事時有之又有力者或結納胥吏包攬詞訟爲鄉黨害滔滔者與槎水日下矣嗟乎不有君子孰爲迴其瀾而障其川耶他日我曰仕以行義未之逮也而有志焉今而後謝不敏願留就君俟笏峯歸三人共訂歲寒之盟相隨嘉遯云

石瀟字天彩太學生例選直隸霸州州判工詩少與弟戴錦齊名一行作吏不廢吟咏調興安州州判王刺史委修興安志戴錦字天孫膠庠老宿爲吳門顧太史嗣立受業師族兄綺

臣族孫大剛俱能詩

杜玠字上榮少作制藝有奇氣前哲黃陶庵徐澄城目爲文虎弱冠專意爲詩歌自三百篇迄有明皆徧讀而深思之茂苑沈石天錄其詩與陶庵蘧庵並梓行世年僅三十而歿

王灝字默存圻曾孫上海庠生稟承家學詩古文詞俱有指授壯歲游京師不遇歸閉門著書以老

汪友仁字介眉以能詩稱四方名人逸士讀其扇頭所書一二章珍如吉光片羽許潛壺自俊序其詩行世

陸沈暘字登桑幼能詩補松江府諸生庠姓倪廩貢入京

廷對受 勤郡王禮遇選霍山縣訓導與修霍志子書言書

南翔鎮志

卷六

二十二

鳳翥樓重印

旗俱能詩見海槎唱和集 熙增 曾孫焯善詩攻舉子業爲名諸生

(勤郡王贈別貢生倪沈暘)與君共莫逆君即欲歸去迢迢望舊鄉悠悠涉長路長路三千里游子苦蚤暮自言今歲返聊同親故晤復道明春來常共朋友聚燕臺有朋友蘇臺有親故一往復一來離情生兩度

(王度送陸登桑司訓霍山)才名投老寄微官笑指闌干首宿盤水向淮淝秋晚晚山看梅霍碧嶺 旣披雲載得乖龍角淪雪烹來小鳳團(地產木耳六安茶)司業倘逢尊有酒風流何恨一氍毹

吳旦震字坦士幼慧年十二隨同里諸老宿唱和才情煥發川湧雲騰編輯其受業師朱南詢瀚遺集又自訂訥齋詩文稿百二十卷俱手自鈔錄

楊志達字戴仁父世清國子生負才游秦中佐某中丞幕注杜集志達游庠後肆力於古以著述自任爲人性僻多怪鮮可嘗離家寓僧舍輯南翔志惜今稿本零落傳寫多訛有畫餅

詩文集若干卷

李提。字雪岑。聖芝之子。紹家學。侍父遠遊。客名公卿。幕歸。購數椽。栽花種竹。以奉親。顏其齋曰顏樂。在京師。從周道生。陳其年。討論古學。二人歿後。追稱爲師。祭執弟子禮。弟楔。字叔行。嗜酒。愛吟工書。客游虞山。四方名士。爭相結納。詩文信筆立就。蓋兄弟競爽云。提自號鐵頑道人。楔自號醉吟山人。

隴西風雅盛於長蘆。先生一傳而爲僧。筏再傳而爲秋森。三傳而爲鐵頑。兄弟雖老于幕府。孤蘆而耽吟嗜。古能不失其家學。鐵頑所著如春遊云。柳色淡拖春影。綠梅花晴挹雨痕。香人曰云。元日酒連人日。醉西堂詩得草堂神。西湖云。晴湖萬頃。蕩明月遠。火幾堆。浮野航。郊行云。曠外笛聲催。返照鷗邊漁唱。述平沙。述懷云。長親藥裏緣多病。偶讀詩書豈好名。軒居云。清池過雨寒。於鏡嫩草鋪煙薄。似羅遣病云。榴花向戶紅。侵簾蕉影移。窗綠上衣雜感云。病嫌歌管尋僧舍。貧剩詩囊挂酒樓。醉吟所著如書懷云。吟豪今古誰偏健。醉眼乾坤我欲空。漫興云。雨聲鶴嶼荒。紅蘇水漲鷗汀滿。綠蒲和友云。看竹已賒經月酒。評花憶欠去年題。初冬云。霜高木落天應曠。雨過嵐陰市蚤昏。春游云。桃花香點吟衫。極楊柳風吹酒旆。橫遺悶云。望斷脊令天外遠。夢回蝴蝶雨聲長。山家云。禪關靜鍊天花影。蘿壑寒餘水碓聲。獨坐云。情富有盡天。應老事到難平石。始言夜集云。遣興累君傾玉斝。天寒憐我剔銀釘。贈友云。覓句苑花紅。襯履罷琴梁。月白侵衣邨居云。

南翔鎮志

卷六

一二十四

鳳翥樓重印

汀花影斷池塘午。庭樹陰濃院落深。行飯云。閒歌麥隴疎花落。小立桐陰宿雨乾。句皆性情中流出。不假雕琢。而自工。兩君歿而檀園之一瓣香。遂燔并血脈。亦斬矣。可勝浩歎。

陸廷錕。字德純。未冠卽有文名。擅長詩古。尤工駢體。王庶常晦以子妻之。與從弟廷鉉並登陸清獻之門。推爲膠庠彥士。陸廷燦。字扶照。篤志好古。重訂媯蜚子。唐婁程李四先生。黃陶庵先生集。王司寇士正。宋太宰犖器之。羅致門下。以貢生司教宿松。遷崇安。令武夷。在其封內。公餘輒登臨。觴咏自號幔亭衣冠。舉止望而知非俗吏也。

(張揆方贈陸崇安幔亭) 棟華書屋日遲遲。解組歸來鬢未絲。松菊平添彭澤興。江山盡入永嘉詩。三春閩海來茶苑。五月炎州致荔支。好與風流舊實從。鬱林載石訪當時。

陸礪。字樗似。敏行孫。才情敏贍。擅長駢體。以吳縣籍補諸生。饑驅四方。年未艾。卒所著詩文。同里蔣熙梓以行世。



呂王輔字庸五丰姿秀雅髻年應試受知邑令黔陽王侯入國  
學屢試京兆好友朋耽詩酒三吳名流傾心結納無子著東  
萊草堂集

陳一韓字希魏少嗜古不汨於俗學尤精研聲韻婁東唐考功  
孫華序其集

王世樞字斗初天資通敏學問淹博制藝傳誦士林兼工詩古  
尤精駢儷體雍正初分縣隸寶山庠戊申選貢中順天乙卯  
鄉試丙辰中明通榜舉博學鴻詞科未赴授崑山縣學教諭  
精心校士單門寒俊尤加意訓植秉鐸五載卒於官入崑山  
名宦祠

南翔鎮志

卷六

二十五

鳳翥樓重印

黃堂字雯洲工舉業名重膠庠纂毛詩尚書能疏明義理需次  
當貢不及而卒同學侯連字武綏蔣宗孟字公雋俱力學侘  
僚以老

吳溶字次璘少游庠刻意爲詩以范陸爲宗家槎之東郊耕餘  
信口吟咏有擊壤遺風焉

江剡字東山諸生自少研摩風雅寢食與俱者五十餘年詩工  
而身益困嘗謁當事無所遇晚年喪子僦居白鶴僧舍攜一  
童供春炊自題其詩稿云片石他年身後表郊寒島瘦聖朝  
氓讀者悲之同時諸生謝雲祺字松齡袁進字旭旦並工詩  
古爲鄉里聞人

石球。字越東。潛心理學博綜經傳好閱近思錄及朱子全書增刪性理提綱炳燭至夜分不少輟爲人操履方正亦跌宕風流語言妙天下十試秋闈不遇卒之日沈先輩元祿歎曰喪一讀書種子矣

汪尙復。字見心。由明經秉鐸穎上學問淵博課士力崇正始務絕浮華士林多宗之其先有名際遇者字聖賡由歙縣學食廩餼康熙壬子副貢文有矩矱

熙增

徐樹紳。字搢宣。與同里石球鄭始復汪士彪友善球以典博勝始復以謹飭著士彪以敏捷稱而樹紳更擅風雅古詩蒼老有致以諸生廩餼貢入國學而終

## 南翔鎮志

### 卷六

二十六

鳳翥樓重印

顧瑞鷹。字以德。熟精文選才華富有爲童子卽以詩賦謁當事旣補諸生屢困棘闈乃走京師干名公卿加以禮貌卒以狂放致偃蹇云

前明嘉靖間崑山歸震川先生居安亭江以古學倡導後進承其一瓣香者首推我邑唐婁程李四先生四先生中長蘅先生爲上當時鉅公有師資學問儼然典型之歎我里文學有自來矣厥後張徵君忍庵暨隴西寓園岸公輩俱研精風雅不墜前輩緒言入國朝柯集庵朱南詢張桐山李陶莊兄弟等復起而振之有槎谿倡和集最後則拙巢江君苦心探討雖才力不及前人而已升作者之堂矣此文學升降之大凡也

熙增

王紳。字箴錄。世樞從子稟承家學於四子書旨尤精邃居家課徒日講數章能發前人所未發陳檢討其年駢體文舊注多訛世樞重加注釋未竟紳卒其業繇徵博引竟委探原惜已散失乾隆二十八年恩貢晚歲子處厚官穎上迎養不肯

赴褐袍布履一如寒士見者不知其爲封公也年八十餘卒  
陳時敘字虞百居里之東鄉少時入市且行且讀忘路有港水  
失足溺焉鄉人奔救之衣履沾濕猶喃喃不絕鄉會試中式  
除安慶府教授晚假歸獎引後進殷殷不倦兄時雍字光被  
舉人與時敘以文行相切劘

陳大模字洪範未冠入邑庠文雕績工麗歲科試屢列優等由  
歲貢秉釋阜陽悉心校士文風頗振

張承先字誦芬明少司馬任褒諸生詩古文擅名一時槎谿自  
李檀園張忍庵後如柯集庵朱南詢輩皆名雄壇坫承先於  
數十年後遠承一脈嘗輯槎谿里志殫心搜擇文獻可徵居

### 南翔鎮志

#### 卷六

二十七

鳳翥樓重印

黃花場無事未嘗入城市

陸鏡字明照歲貢生詩古文詞清老有法張史亭輯槎谿志恆  
折衷焉族舊有譜鏡補輯之選沭陽訓導未任卒

程鏡字葆光增廣生家貧力學一時宿儒折節下之詩近石湖  
放翁門人李明經士榮梓以行世尤工書於松雪翁稱具體  
焉

#### 隱逸

宋

陸時龍字寅生父美中由鄉貢授泉州學錄死蒲壽庚難

(明崑山  
舉人葉晨

詩(宋季喪神器播遷赴炎荒叛臣蒲壽庚秉質本不良撫馭乖其術遂致橫噬殃學錄微官耳一死植綱常世亂失載  
筆簡冊闔無光由來忠義士立志恆慨慷祇祈心無忝奚計名不揚名固起頑懦無名亦何傷遇有幸不幸幽顯任彼蒼

時龍舉咸淳庚午鄉貢進士景炎丙子伯顏師入平江攜家避難事平歸里深衣峨冠閉戶著書以老

明

閔裴字百先農家子初學制舉義繼而學詩詩成而身大困所居一椽竹厨土鏗鋪糜不給日仰屋梁著書呼之不應有饋之者非同志峻拒弗受事親孝撫二弟有恩黃陶庵淳耀重之序其詩謂一唱三歎有衡門詩人之風募金鏤版行世

(黃淳耀過槎谿哭閔裴邨)家世耕畬海岸東半拋田畝爲詩工死時幾米存倉內笑倒邨南撥襖翁 白頭吟詠沒蒿萊身後名成也可悲一卷殘詩終在手心肝嘔出欲遺誰

國朝

吳自惺初字孟直後字元咫少喪父遵母倪氏訓刻苦向學博

南翔鎮志

卷六

二十八

鳳翥樓重印

通經史爲文數千言立就崇禎壬午副榜准貢家貧事母以孝聞大名枋國聘以書幣卻之黃冠野服賦耦耕詩見志婁東陳安道瑚誌其墓孫綬詒字昌符杜門讀書好吟咏雍正間舉賢良方正不赴

陸一諤字毅卿博聞強識刻苦工詩朱南詢瀚稱之居臨仙槎橋茅屋三間異卉奇花森列時招二三老友婆娑觴咏有古逸士風子寧字德施吟咏外兼擅書畫婁東唐實君孫華序其集行世孫洪恩字屯侯華亭縣庠生亦工詩

沈推字留已父庠生大德蚤卒幼孤力學慷慨有志節閱史至不平事張目裂皆聲情俱激居槎南五里名其齋曰靜思著

梅君傳以自况縉紳先生絕不通一刺子孫俱入邑庠以耕

讀世其家

熙案推後  
改名曰京

陸元鼎字公麟讀書不求進取從婁東陳安道游參性命之旨  
論居敬存誠之所以然安道深契之虞山翁司空叔元與元  
鼎有舊攜其所著心學編示館閣魏蔚州象樞諸公共歎爲  
唐宋名家手筆欲以隱逸薦元鼎馳書司空止之晚年僑居  
錦里顏其樓曰內省焚香讀易終其身孫鍾泰字上棟能詩  
有聲庠序

熙增

陸崢嶸字宗位幼攻舉業入泮後未嘗一赴省闈胡文宗歲試

南翔鎮志

卷六

二十九

鳳翥樓重印

優等招覆竟不赴庠師劉南谿崧秀欲舉鄉飲賓固辭曰幸  
生 盛世耕讀足矣奚以名爲居小南翔後邨距南翔僅一  
二里無事不輕入市慕其名者恆以不識半面爲憾

陳兆奎字樹芬諸生詩酒之外兼嗜弈有從學者餽以金不受  
置酒招之則欣然往嘗與古猗園文會酒闌賓散衆謂小山  
先出矣小山兆奎號也遲明園丁入山徑掃葉見有枕石斲  
眠者則兆奎宿醒未醒也頽然自放以終其身

南翔鎮志卷六終

門人

徐起鳳  
李興字

校字

重印

灼芙陳  
雋如胡承翼

校